

# Ақийда дарслари (152-дарс). Жаннатга кирмай қолиш амал туфайлидир



18:59 / 04.10.2021 3280

Қуръони Карим оятлари ва ҳадиси шарифларга чуқур назар соладиган бўлсак, банданинг жаннатга киришдан маҳрум бўлиши ҳам унинг қилган баъзи амаллари туфайли бўлади. Аллоҳ таоло шуни ирода қилган.

Мўмин банда ўзи қилган баъзи гуноҳлар туфайли маълум муддат жаннатга киритилмаслиги маълум. У мазкур гуноҳнинг жазосини ўтагунича жаннатга киришдан маҳрум қилинади.

Қуръони Карим ва ҳадиси шарифда баъзи катта гуноҳларни қилиш жаннатга киришни ман қилиши ҳақида хабарлар бор.

Аллоҳ таоло Нисо сурасида:

هَلْ يَلْعَلُ لَلْأَبْصَارِ وَأَهِيَ فِ ادِّاخِ مُنَّهَجُ هُوَ أَرْجَفُ أَدْمَعَتُمْ أَنْ مُمْ لُتَقِي نَمَو  
مِطْعَ أَبَادَعُ هَلْ دَعَاؤُهُ نَعَلُ

«Ким бир мўминни қасддан ўлдирса, жазоси жаҳаннамдир. Унда мангу қолувчидир. Аллоҳ унга ғазаб қиладир, уни лаънатлайдир ва унга улкан азобни тайёрлаб қўядир», деган (93-оят).

Яна шу суранинг аввалида:

أَرَانُ مَوْطَبٌ يَفَنُ وُلُكُنْ أَيُّ مَّانٍ أَمْ لَطِ كَمَاتِي لَلْ أَوْ مَأَنُ وُلُكُنْ أَيُّ نَيِّدَلَانٍ  
أَرِي عَسَنُ وُلُصَيَّ سَو

«Албатта, етимларнинг молларини зулм ила ейдиганлар қоринларига ўт-оловни ейдилар, холос. Ва шубҳасиз, ловуллаган дўзахга кириб, куюрлар», дейилган (10-оят).

«ال: مَلَسُو هِيَ لَعَلَّ لَصَّ هَلَّ لُ وُسَّرَ لَاقٍ: لَاقٍ تِ مَغَطَمَ نَبْرِي بَجْنَعُ نَعُ  
يُذَمَّرَتِ لَو دَوَادُ وُ بَأُو مَلَسُ مَوِّي رَاخُ بَلَّ هَاوَرُ. «مَحَرَّ عَطَاقَ نَجَّ لُ لُ خُدَيِّ

«هَقَائِبُ هُرَاجُ نَمُ أَيُّ ال نَمَّ نَجَّ لُ لُ خُدَيِّ ال: «مَلَسُ مَرَّةٍ يَ أَوَرِ يَفَو

Жубайр ибн Мутъим розияллоху анхудан ривоят қилинади:

«Расулуллоҳ соллаллоху алайҳи васаллам: «Қариндошлик алоқасини узувчи жаннатга кирмайди», дедилар».

*Муслимнинг ривоятида:*

«Ёмонлигидан қўшниси омон бўлмаган одам жаннатга кирмайди», дейилган.

*Имом Бухорий, Муслим, Абу Довуд ва Термизий ривоят қилишган.*

«عَفْرِي أَلْجَرُّ نَ إِهَلَّ لِي قَفَ، هَفَيْ دُحَّ عَمَّ أَنْ كَ: لَاقُ هُنَّ عُهُ لَلَّ يَصْرَمَ مَاهُ نَعُ  
هِيَ لَعَلَّ لَصَّ يَبَّنَّ لُ تَعَمَّ سَ: هَفَيْ دُحُّ هَلَّ لَاقُ فَنَامُ تُعَّ لَ ثِي دَخَلُ  
مَلَسُ مَوِّي رَاخُ بَلَّ هَاوَرُ. «تَاتَقَ نَجَّ لُ لُ خُدَيِّ ال: لُ وُقُ يَمَلَسُو

Ҳаммам розияллоху анхудан ривоят қилинади:

«Ҳузайфа билан бирга эдик. Бас, унга «Бир киши гапни Усмон розияллоху анхуга олиб бориб туради», дейилди. Шунда Ҳузайфа унга:

«Набий соллаллоху алайҳи васалламнинг «Чақимчи жаннатга кирмайди», деганларини эшитганман», деди».

*Имом Бухорий ва Муслим ривоят қилишган.*

Демак, баъзи бир амаллар ўз эгасининг жаннатга киришига монеъ бўлиши мумкин экан. Албатта, мўмин банда диндан чиқмаса ва шариатнинг фарзу вожибларини инкор қилмаган, ҳалол ва ҳаромни инкор қилмаган бўлса, қилган гуноҳига яраша жазосини олганидан кейингина жаннатга

киритилади.

**«Сунний ақийдалар» китоби асосида тайёрланди**